



Орган Лемковского Союза.

Выходит в каждый четверг.

Редакция и администрация в Крынице. — Адрес „Лемко“ Крыница.

Пренумерата в краю:
50 грошей місячно,
2,50 зл. полрочно,
5 зл. рочно.

В Америці: 1 дол. полрочно,
2 дол. рочно.

В Чехословакии:
3 кор. місячно, 15 кор. полрочно,
30 кор. рочно.

Конто чекове Нр. 404.155.

Хмары над Европом.

От часу убийства югославского короля, Александра, жие ціла Европа в стані нервного розгорячкова. До того причинило ся также падене правительства Думерг'а во Франции и переняте власти Флянден'ом, бо тоте вшитко, што дје ся во Франции, не лишат ся без вліяня на много держав, котры сут приневолены поставити собі пытане, кто во Франции робит политику и кто и як долго може за ню отвѣчати? Кто може дати гваранцию, же напярм той политики буде здецьдованый и независимый от часто змѣняючих ся правительств.

Управитель французской заграничной политики г-н Ляваль ест знаный в світі яко трезвый, холоднокровный и осторожный политик. Мае он однак тепер положене барз трудне, Франция—як відомо—была перед марсельским убийством на найліпшом пути до порозумленя с Италиом, с котрым от заклоченя войны удержовала ненайлучши отношеня. Здавало ся, што подорож убитого короля Александра до Франции доведе до порозумленя медже Югославиом и Италиом, што в значной мірі помогло бы устранили неясности в отношенях француско-италийских.

Вшиткы тоти надежды счезли с убийством короля Александра. Остра нота Югославии, котра оскаржат Венгры о уділяне помочи марсельским наплетникам, ставят Францию в трудном положении.

Венгры сут звязаны численными договорами с Италиом и тому то можна сподівати ся, же в разі сильного протеста на югославску ноту се стороны Венгер, може дойти до непожаданого напруженя в отношенях поединокых держав европейских.

Югославску ноту деручене уж Лигі Народов. Буде она предметом, обрад в січні 1935. р. Крім той, немалой вагы, справы, европейскы державы слідят с заинтересованнем плебисцит в Саарі. Ту также Франция мае немалы клопоты. Плебисцит набліжат ся скоро и не трудно предвидіти его результат. В разі поворота Саары до Німеччины, тота послідна буде обовязана заплатити Франции великы сумы, котры вложила Франция в цілі поднесеня там фабрык и ту именне растут трудности, бо Німеччина чуе ся тепер в финансовых ділах слабо. Политычие значене плебисцита в Саарі може быти велико, бо Гитлер своєю часу выказал ся, што

Саары являт ся одыноком спорном точком в отношенях француско-німецкых.

Як с того видно мае теперешне француске правительство моц важных справ до роздуманя. Помимо того Франция не занедбуе также всходного пакта и старат ся притягнути до него Польшу, без котрой тот договор не мал бы великой вартости.

В послідних часах газеты францускы перемівили тон в отношеню до Польши, о Польщі пише ся там тепер без игнорованя и признае ся, што Польша мае право вести свою политику самостоятельно.

Польша старат ся сильно удержати спокой и мир в Европі, а о том, як тот мир обезпечити для обывателей Польши, знае сама найліпше.

В отношенях польско-францускых ест однак одна перешкода немалой вагы, именно, по поводу крызы господарчой Франция выселят чужих, а также и польских работников. Франция выганят тепер тых польских подданных, котрых по войні сама спровадила в цілі отбудовы знищеного француского промысла фабричного, в послідстві чого, тот работник, котрый от 10 літ давал свой тяжкый труд и знаня, мае днеска лишити вартат и ити проч. Коли вербовано перших работников, привекано им много прав и привилегии, работник зае хотіл задержати лем одно право,— право работы, тедез отнимают ему тото право и выселяют его, бо сами французы не мают работы.

Тото выселяне работников польских наводит хмары на отношеня польско-францускы. Роз'яснене тых отношенъ може однак отограти поважну роль и ест ово пожадане и конечно потребне аж и для спокоя Европы. Чем скорше оно наступит, тым лучше.

Спор Югославии с Венграми

по поводу убийства в Марселии.

Министер закордонных діл Югославии с втич вручил минувшой пятницы секретариятови Лиги Народов ноту (урядове писмо), в котром домагат ся вписаня на порядок дневный Лиги Народов точки до роземотреня, штобы постановити, кто ест правдивым виновником смерти короля Александра, тым больше, што тоте діло псуе мирны отношеня югославско-венгерскы.

Югославия заявлят дальше, што подробности едідетва, документы и протоколы с переслуханя террорыстов предложит погодивше.

В ноті той пише ся, што злочин марсельский не ест злочинным актом одного человека, але являт ся актом медженародным.

Охорона, котром тішили ся злочинцы на территории Венгер в продолженю подробных приготовлень сут праві не до віры.

Заграничны писма, обговорюючи югославску ноту, высказуют ся, же тота нота ест великом угрозом для европейского мира.

Венгры заявили, што против той ноті зложат енергичный протест (спротивлене). Они звертают особенну увагу Европы на тото, што правительство югославске и приятели Югославии, свідомы своєю милитарной перевагы, нарочно старают ся представити діло убийства короля так, штобы угрожати святой идеи европейского мира.

Открыте новой желізной дороги Краков—Мехов—Радом—Варшава.

Дня 24 и 25 падолиста т. р. в присутстві Г-на Президента, членов Правительства, Сейма, Сената и многих, высоких урядников открыто торжественно ново выбудовану желізану дорогу вѣдучу с Кракова через Мехов—Радом до Варшавы. Тота нова дорога ест коротша от попередной о 105 километров. При будові той дороги нашло роботу килька тысяч работников. Найтяжша работа была медже Краковом и Меховом, где треба было перекопати цілы горы и засыпати глубоки долины и парии; на тот насып навезено 4 милионы метров кубичных земли.

ПОМІЩАЙТЕ
ОГОЛОШЕННЯ
В ГАЗЕТІ „ЛЕМКО“.

Ци буде у нас ліпше.

Недавно бесідовав я с одним с наших подвижних патриотів-селям и в бесіді звідал ся я его о одво с сусідних сел. Роходило ся мені о того, штобы довідати ся, як розвиват ся в том селі проевітительна робота, як интересуют ся люди кооперацієм и читальняним житєм. Мой себесідник отповіл мені коротко: „ей, там ище люди живут по стародавньому“, а на мое запытане, што розуміє под тьма словами—обяснил, же там ище люди дбают больше о гостинкы и горілочку, як о просвіту и науку. Може ніт в том их вини, бо село тото лежить серед недоступных гор и не чаєт ктоси до них загостит; не має оно тьж никого серед себе, кто бы заохотил их до організації и проевітительного труда. Давнійши учителі українцы, тепер полякы, не знають духа нашого народа и не можуть ци не хотят вчути ся в их потреби и обняти перед; так само єст єо священниками, украинцями, котры не лем, же не заохочают людей до організації, але противно, коли люди хотят походити ся, штобы завязати ци то кооператыв, ци читальню, отраджают им тото и публично аж и с казальниц кричат: „люды не сходте ся и не открывайте читальні им. Мих. Качковського, бо то читальня польска“. Наши люди не барє в тото вірят, але може найти ся такий, што сой подумат: „кто знає, што те паны поробили, може и на правду нас хотят поробити пелянами—бо то панам—реку—вірити не можна“. Так то голосят наши непрошены опекуны ріжны небылицы, жебы лем ширити роздор и ненависть. Як им потреба, то кричат, же читальня им. Качковського єст польска, а як треба иначе, то их посол пан Дмитруньо Левицкий кричит в Сеймі на ціле горло и старат ся на основі ложных, подлых клевет и инсьюації, переконати поляков, штобы они стерегли ся нас, бо мы царе и право-славны и хочеме ширити большевизм. Як то пан Дмитруньо може погодити царску Росию с большевितском—те уж его тайна, факт-фактом однак, што в своей соймовой промові метал так громы на нас вшиткых и на Талергофскы свята, што не повстыдал бы ся его сам „оберляйтнант“ Чировский и украинскы послы с 1914 року, котры, переслуханы в политычном процесі во Відни жадали для вшиткых нас кары смерти.

К счастью однак тоты панкы, так священники, котры представляют читальні им. Кач-

ковського польскыма, як и тоты, котры кричат, штобы нам полякы не вірили, так забрехуют ся, што сами обнаружуют свою брехню и тратят чим раз больше вѣру у народа. Народ, як то повідают, одним ухом слухат, а другим выпускают и робит свое.

Же робота поступат, евідчат о том уж самы слова нашого подвижного селянина: „ей там ище люди живут по стародавньому“. Видно с тых слов, што уж самым хлопам таке жите не подобат ся, што их не вдовагат гостинка, што они стремят до выкутя лучшей долі. И если буде што раз больше таких селян, если вшиткы села порвут с гостинками, долгыма весілями, ярмарками, литкупамы, едомашами и т. д., а возмут ся до книжки и організації, то у нас буде напевно лучше.

А работы єст много. Передовеєм мусиме старати ся конечно поправити наш материяльный жыт, штобы быти сытым, бо голодному все псы марша грают и наука до головы не лізе. В той цілі мусиме доконче упорядковати наши хаты, запровадити коло них ладны овочовы сады, загородкы с квітками, штобы они привлекали своим видом туристов и літників, бо лем одна туристыка може в скором часі поднести наше господарче положене. О том писало ся уж дост пространно в попередних числах „Лемка“ и читателі знають уж што треба робити, штобы оживити туристычне движене до наших гор, днеска припоминаме о том лем тому, бо тото движене може оказати ся для нашого народа дуже важным и користным. Если суміеме приготувити отвітно наши села и хаты, увеличим оно користи с наших господарств.

Палата Торговельско-Промышленна в Кракові на стараня Лемко-Союза заинтересовала ся нашими туристычными теренами и нашим домашним промыслом. В цілі розумного унятя и поднесеня того промысла прислала она редакции „Лемка“ квестіонар до выполнения, котрый розешлеме єо слідующим числом газеты. Квестіонар трт просиме выполнити дуже докладно и переслати редакции. От точного выполнения такого квестіонара залежит в великой мирі розвите дальшого жита, тому то во власном интересі треба его точно выполнити. Памятайме, же от нас самых залежит наше господарче положене и мы сами рішаме о том, ци буде у нас даколи лучше!

Одны нищат с'істны продукты, другы гынут от голода.

Англикы и Американы любят вшитко раховати и числити. Редакция одного английского пиема подає таку переражающую статистику.

В р. 1933 умерло на земельной кулі от голода $2\frac{1}{2}$ милиона людей. Отобрало собі жите от голода и вужды в том самом часі 1 милион 200 тысячей люда, разом отже згынуло от нужды и голода $3\frac{3}{4}$ милиона людей.

В том самом року 1933. штобы не допустити до пониженя ціл, затоплено в морі $\frac{1}{2}$ милиона вагонов зерна, 144 тысячи вагонов рыжу, $\frac{1}{4}$ милиона міхов кавы, $2\frac{1}{2}$ милиона кильограмов цукру, $\frac{1}{2}$ милиона вагонов зерна ужито на опал, $\frac{1}{2}$ милиона сотнаров мясных консерв и $\frac{1}{2}$ милиона сотнаров сурового, свіжого мяса обляко нафтом, штобы зробити его непридатным до їдла.

Так по варварскы знищено и змарновано дары Божі, вмісте роздати их гынучим от голода и нужды людямі!

Што дає наука и труд над самим собою.

В р. 1925 співал перед микрофоном Польского Радио молодой студент и заплатили ему втотчас за тото одно выступлене 25 зл. В пару літ погодивше, тот самый студент, тепер уж, яко фаховый співак-артыст, выступил перед тым самым микрофоном Польского Радио со своим співом и достал за тото выступлене 20 тысячей злотых. Тым студентом и співаком єст славный тенор Иван Кепура.

Льготы в грунтовоём подтаку.

Кто и коли може их доотати.

Оголошено роспоряджене, котре предвиджує в дакотрых случаях льготы в заплаті податков грунтовых.

Постановлене тото предвиджує, што платники того податка, если понесли шыкоды и страты по поводу элементарных бід, як пожар, посуха, злива и т. д. могут користати с льгот податковых в виді отдаленя термина платности, розложения на раты, а также частичного або цілковитого отписаня податку, котрый належит ся за тот период, на котрый припадат поменшене приходу в послідстві пережитой біды.

В той цілі пошкодованный має повідомити о біді свой Скарбовый Уряд в термині до 14 дней от принесеной ему шыкоды. На таке повідомлене Уряд Скарбовый єст обовязанный сейчас, а найпозднійше до 10 дней, перевести на місяці комисийны доеліды вышоты понесеной газдом шыкоды и страты. В склад такой комисии входят: начальник Скарбового Уряда, або его заступник, делегат Повітового Выділа и трох обывателей (рольников, або лісников) назначеных Рольном Палатом.

Задачом Комисии єст сандчити высоту еамой шыкоды и страты и поставити внесене, в яных розмірах має ся дати податкову льготу пошкодованому.

На основі того внесеня Уряд Скарбовый выдає постановлене о льготі, або пересылат діло до рішеня Палаті Скарбовой, если роходит ся о льготу в великих розмірах.

Нищене буряну.

Нераз ище на яр писали мы о нищеню буряну. Наши газдове легковажают собі того барз небезпечного ворога. Крім того дуже єст таких газдов, котры нищене буряну розуміют так, же газда має старати ся лем о того, штобы вынищити бурян (хопту) лем на поли, а на меджах, дорогах, берегах, выгонах росте собі всякий бурян свободно, цвите и выдає насіне, в послідстві чего размножує ся он страшно скоро и вищит плоды наших поль.

Лем часом показує ся, же не нищены буряны на меджах и берегах шыодят зерну так само, як и тоты, котры растут на полю. От с дуже околиц краю доходят вѣсти, же озиме жито знищила уж в осени бура рджа, котра выступат на листьях и тым ріжнит ся от рджи стебельной, котра нищит стебло.

Оба тоты гатункы рджи сут дводомашны то значит, штобы могли жити, потреба им двох ростин, на котрых живут на перемины. Одним с тых ростин єст все листе, або стебло хлібне, а другом для рджи стебельной єст берберыс, а для рджи бурой ріжны буряны. Если тых других кормителей ніт, то рджа гыне, отже если у нас недалеко поля не буде берберысы и буряну, то не буде также рджи. Один газда не даст собі рады с буряном, до того потреба, штобы вшиткы люди в селі и в громаді приступили до борбы с буряном. Не можна допустити до того, штобы газда, зависимый от доща, граду, посухи, мороза и спеку, мѣл ище поносити страты от розмноженого буряну. Але тото зависит уж от самих газдов.

По Лемковщині.

Криница-село.

Дня 14.Х. в Криниці-селі отбыло ея Обще Собрание читальні ім. М. Качковського. Присутных было 35 членов, на 66. Председателем Собрания выбрано д-ра Ореста Гнатышка, секретаром г. Яновицкого.

Доклад о деятельности читальні за 1934 р. прочитал г. Трехановский. Собрание затвердило доклад и уделило уступающему выделю абсолютную. По вписи новых членов, выбрано новый выпил, до которого вошли: Тома Живицкий—председатель, Павел Греняк—тов. председателя, Владимир Гойняк—секретар, Надежда Копицкая—касиер, Мария Петрык—библиотекар. Заступниками: Антоний Лазрык, Ярослав Громосьяк. До Контрольной Комиссии: Григорий Пыж, Емилия Яновицка и Стефанида Дуркот.

Собрание ухвалило запросити на дырыгонта хора і оркестра г. А. Ропицкого со Львова. В той цілі собрание рішило оподатковати ся місячно по 50 гр. до 10 зл. Для сбора грошей выбрано специальных сборщиков. Читальня має ище долгов за инструменты зл. 1.161.25 котры новый выдїл повинен снати.

Г. Ропицкий прихавши до Криницы, распочал уж пробы хора и оркестра. Насколько энергичне поступат тот акция, видно с того, што на 9.ХІІ. заповіджено уж перший концерт-хора і оркестра в Криниці селі и Здрою.

Маме надїю, што новый выдїл розвине энергично свою діяльність, займе ся сбором податка, членских взносов за попередни рокы, буде часто уряджати концерты, представлєня і сплатит хоц часть долга.

Прикре положене в читальні, бо нїт своего власного дома-салі, а в Криниці такий дом повинен повстати і місцевы передовы, сознательны члєны читальні будову дома повинны поставити, яко першу точку своей діяльності. Віднійши села, як Поворовник Шавник и др. уж можуть похвалити ся,—в их селах стєят прекрасны дома, тому Криница остати ся позади не може. Треба найти средства енергию и жертвователей селян, котры дадут глянц и дерево под будову. В добрый час Криничане, щастє Вам Боже, и идте вперед, не ставайте, будте приміром для других русских сел.

Шавник.

Дня 11.ХІ. отбыло ся в Шавнику представлєне. Отограно „Талергоф“, д-ра Ваврыка аматорским кружком читальні, на котре прибило много гостей-селян и интеллигентов с околиц.

Члєны читальні во главі с г. Евстахиом Милиничом в коротком часі выбудовали в селі прекрасный дом с двома залами і льокальом на кооператив. На долині сала для забав, на поддашу—театральна сала.

В виду успіха представлєня „Талергоф“, на другу неділю тотже кружок отограл „Талергоф“ в Поворовнику, где так само мал колосальный успіх, так материяльный, як и моральный.

Треба завначити, што в читальні сгрупповала ся вся сознательна руска молодеж, котра неутомимо працює над розвитком читальні.

Честь и слава Вам Шавничане за Вашу культурну роботу, працюйте и дальше так.

Видїл читальні повинен выслати на курс до Львова двох молодых способных молодцов, маючих гол. на науку кооперации и дырыгентуры, будете мати ище больший успіх и здєленє в своей работі.

Верхомля Велика,

Дня 25.ХІ. в Верхомлі Вел. отбыло ея Обще Собрание читальні ім. М. Качковського.

На торжество прибыла масса народа так с Верхомлі Вел., як и с Верхомлі Малой, Шавника, Андреевки.

Сала театральна в домі г. Ант. Гнатышка, не могла помістити воіх присутных. На председателя выбрано г. Мих. Русиняка. Делегат от Центр. О-ва ім. М. Качковського и Лемко-Союза г. О. Яновицкий привитал вшитных присутных и указав на того велике значєне, яке має в селі читальня, котра повинна провадити культурно-просвітительну роботу, особенно серед молодежи, котра в чит. учит ся истории, читат книги, газеты и разумно забавлят ся. По церкви и школі читальня ест том третом институтом, котра выховує народ на культурных і пожиточных для села и державы граждан.

Г. Евстахий Милинич со Шавника звернул ся до Верхомлян с горячом промовом, яко Талергофец и зыввал твердо держати ся русского знамени, за котре наши няньове, братья и сестры ложили головы.

Потом послїдовала декламация дївчат со Шавника: Ганя Шавинска отдеклямовала „Оте, оле Лемко“, а Ганя М-лянич „На могилі Талергофца“. Вурны оклики „браво“ были наградом молодым дїачаткам, за их патристичны верши. Потом аматорский кружок чит. о Шавника отограл „Талергоф“. Присутны вислухали гры с увагом, особенно старши люди, котры пережили тот помял. В 1914 р. с Верхомлі было поішено в Пивничной 7 русских селян,

Не находжу слов похвалы аматорам за их прекрасну гру, особенно исполнителам ролей селян. Присутны мали случай видіти, што мученикы за руску идею—селяне и там в царстві ріжных Чировских і австрийских жанлармов, были твердыма и лем дакотры одиичны, як напр. Сальцесон—др. прав, падал духом и жаловал чому он не латинник, не бїдовал бы в Талергофі. Всі роли молодежи, священника о. Владимира, Чировского и инши были ярко обрысованы и представили теперешнему поколію, які муки переживали их братья в Талергофі.

По сконченю представлєня забрал голос г. Яновицкий и пояснил присутным дайки місца представлєня и звернул ся до молодежи, штобы она также была тверда, як их братья были в Талергофі и закликал скорше организovati в своем селі аматорский кружок и самым грати представлєня и тьма притїгати старых и молодеж. Подяковал Шавничанам за их труд. По сконченю представлєня отбыла ся забава для молодых. Медже танцами хор Шавничан співал рускы-лемковскы пісні.

Треба отмітити, што плебания Верхомлян отмовляла от русской читальні, рекомендуочи заложити Просвіту, бо чит. Качковського—то ест польска читальня, але Верхомляне не дали себе дурити и без интеллигенции сами устроили свое свято. Старый русский священник не интересує ся народном роботом, а молодой сотрудник и господиня у старого священника—кромі Украины не видят свята а до русского относят ся ворожо. Але селяне познают ся на таких приятелях народных и на жадны призывы украинскы не пойдут.

Честь Вам, братья Верхомляне, за Вашу стойкость, борте ся сами за чит. роботу, влягайте молодеж, читайте рускы книги и газеты, организуйте аматорский кружок и хор.

Присутный.

Снітница.

От долшого часу бідный дячина, Антоний Москва старат ся будовати Украину и хоц видит, же не даст раду, але все пробує счастья. До того часу помагали ему и студенты, як Славок Ницота и Адриан Малиняк и удало ся им збаламутити, але не дуже, бо лем 10 люда. Баламута однак внет их попустила, кромі одного Осифа Гоця, котрый баламутит дальше, а не треба му того, бо сам преця видит, же и он сам и его „нецька“ хвориют на сухоты. Але бідный дячина думат все, же переможе и пробує на каждом кроку перемагати. Таксамо и при теперешних громадских выборах старал ся перемочи русских, бо его наши люди не листі не помістили, а же он уж от давна в радлі засїдал, то прикро ему тепер остати без мандата. Шобы отже перемочи, выставил свою листу, на котрой помістил своих поплечников, а же их має не дуже, то вписал на ней также и наших, русских людей. Знал однак о том, же листа тот провалит ся при выборах, тож начал он глядати иншого счастья и взял ся уважнати листу нашу, лем же бїдачиско переочил термин подаваня лист и припозднил ся кус, а в додатку комиссия выборча зажадала доказов, котрых он не мог дат: и так мусит он остати без мандата. Жаль мі го, бо виджу, же у него сердце из жалю распадат ся и скажит ся он, же его уж до ничего не допустят. Але то лем початок бїды и жалю, бо люди хотят его вышмарити и с рады участников при комасации, бо там также лем прото достал ся, же люди не походили ся, але коли тепер видят, же он робит не на их користь, лем на шкоду, усунут его и от той почести.

Може втотчас пан Москва зрозуміт, же не даст раду и Украину побудовати, а с ньом пропаде также и «Сільский Господар» котрый робит уж боками. Радиме вам отже пане Москва лишити, покля час. Украину и стати в ряды с нами, як ваш родич стєял. Втотчас будете мати честь и славу и будут в с всі любити, бо знате добре, же наша Лемковщина не любит перекинчиков. А газету „Лемко“ не затримуйте у себе и не относте ся до ней и до вшитного русского ворожо, бо постараєм ся о иншого листонсше.

Побідитель.

Снітница, дня 20.ХІ.1934.

Оголошенє

Редакция просит замовляти уж калєндары

на 1935 р. Калєндар великий о 160 см. Найдете

там дуже интересного материяла. Коштує с пересылком 50 грошей. Выслылаєм лем за

готовы гроши.



Завадка Абрамовска.

Жили бы собі у нас люды добре и славили Бога, если бы не оден пан с «борідкою», што наших братов баламутит; мы знаємо добре, што он за оден, бо он уж баламутит люды от пару літ и накрутил он в нашом селі досить ріжної незгоды помедже рускым народом, бо он был у нас мудрец и дяк и войт и писар и почтар и найбільший крутар и хапар, нахапав он досить людской кривды.. Ходит тот панко бородатый дальше по селі и люды баламутит, штебы вписовали ся до читальні «Пресвіты», бо руске всьо умерло и не має жадной силы и бесідує, ште Тылява и Терстяна маюг уж досить Руси и вертаюг до Пресвіты. Як бы там жили такы панкы, як бородатый, котрый лем так долго был рускым, заля не побудовал собі хыжу и стодолу за рускы грешы и людску кривду, те бы може и вершили до „Пресвіты“, але в Тыляві и Терстяноей сут честны люды, котры тримаюг ся твердо свогго руского имени. Там ніт такых, котры, як пан бородатый, кажуг собі оплачати от каждого листа котрый достают по 10 грошей. Але тоте скончат ся скоро, бо егго уж вышмерили с чут. им. М. Качковского и тепер ходит так, як блудна уда и буде Украину. Скончат ся и тото скоро, бо уж одном ного вешел кус, а як другом вйде, то остане так, як муха в мухолопці.

Михал с под решака.

Што чути в світі.

В Манджурии напали члены „Обоза патриотичного в цілі народного отрождения Кытая“ на цесаря Манджурии Пуі в часі визыта цесаря при гробах предков и шмарили дві бомбы, котры убйли кількандцетере люда с его окруженя. Сам цесарь Пуі вышол с того без шкоды. Напастников повішено.

В Німеччині наступила експльозия в фабриці стрільной баволны, котру Німеччина продукує тайком в цілі напелнення мин подводных и торпед. Выбух знищил цілу фабрику и убил много роботников.

В Совітах розетріляно в часі от 6 до 22 падолиста 29 люда за надужитя при доставі баволны.

На Чорном Морі шаліє страшна буря с перунами. Кораблі не отходят с портов. Злива поспула дороги и заляла пару домов на предмістю Новоросійска.

В Саарі, где має отбыти ся плєбисцит, отбыло ся собранє антифашистовске, по котром утворил ся поход. Участники співали медженародный гимн и рушили улицами міста. Два полицийны урядники хотіли задержати демонстрантов, але тоты их побили.

Французский министр закорд. діл Яваль наміряг выступити с предложєнєм до вшиткых держав, штобы они згодили ся не превадити войны череа 30 літ и тот час штебы посвятили на воднесенє господарства и отбудову Европы.

Япония буде 6 новых военных кораблей. Война медже Японіом и Кытаєм иде дальше. Войска японскы по великих с гратах, цефаюг ся.

На берегах Амура в Манлжурии открыто великы жилы золота. Экспльоатация має начати ся в найблишом часі.

В Румынии закрыто діятельность коммунистичных организации и розвязано 32 организации коммунистичны.

В Німеччині сут поважны непорозумленя медже партиом гитлеровской и Рейхсвером. Рейхсвера натискаг на Гитлера, штобы он начал политыку стремлячу до приближеня с Росіом.

В Японии в копальні угля „Матсушима“ мала місце страшна катастрофа. Копальня тота находит ся под морем. В часі перебиваня подземельного корытара, пукло склепінє и вода заляла цілый корытар. Утопило ся пятьдесят килькох горняков.

В Празі пришло до борбы медже студентами университетов чєского и німецкого. Бу динюк университета німецкого ест окруженный сильным кордоном полициі.

2400 рыбок лосося, выхованых в вылягарні в Фолкші коло Ясла впушено до рікы Вислокы. Каждая рыбка ест означєна номером, выбитым на серебряной бляшці. Кто зловить такую рыбку, перешле бляшку Рыбацкому Т-ву и подаст дату и місце, в котром зловил, достанє 4 зл. Т-во Рыбацке хоче таким способом перекопати ся, як скоро роуходят ся рыбы по ріці и ци оплатит ся зарыбати рікы.

В Гданску выбрано нового прєзидента сената.

В Бولیвиі увязнила армия свогго прєзидента Саламанка. Увязненный прєзидент подал ся до дымисии, а на зго місце выбрано прєзидентом Теяду, котрый має покликати правительство, зложєне с прєдставителєй воіх партіи.

В Лондоні отбыло ся вінчанє авглийского короля Кенту Георгия с греческом княжном Мариом серед великой парады. До Лондона приіхали на тото торжество королі праві цілого світа.

Медженародне Бюро Труда наміряг впровадити во вшигкых краях, котры належат до Медженародного Бюра Труда, 40 годинный тыждєнь труда вмісто до тепер обовязуючого 46 годинного.

Робил ся греческий корабель „Олюла“ в часі бурі яка шаліла над берегами Аргєштыны.

С Картув-Вєрезы освободжено значну партию изольованых.

В Испаниі осужєно бывшего прємьера Азагу о соучастничтє в революциі.

В Варшаві мала місце катастрофа жеизнодорожна на нововыбудованой штрєці Радом—Варшава. Жертв в людах не было. Движенє было перерванє на керотный час.

В Крыниці скончилось панованє лісничого Станислава Яйка, котрый дост надокучал ся нашим людам. Яек, котрый любил побочны доходы, был осварженый о надужитя и достал 8 місяцов тюрмы.

Чорны коні, привєдєны гандлярами-жидами на торг до Старого Санча змінили на дощі масть и еказали ся брудно білыма. Гандлярами заняла ся полиция.

Пытаня и отвіты.

Газда до слугы: От тебе чути горілки.
Слуга: Та—я брал на болочий зуб.
Газда: Даано ты зуб болит?
Слуга: Та, ище от дитинства.

Хлєпец: Няню, ште то ест клєptomания? (по панскы — навык до крадежи называт ся клєptomания)
Няню: Клеptomания—мой сыну—то ест така хворота, котры нич не коштує, а може принєсти ище до ходы.

Чим ріжнит ся днеска адвокат от шєвца?
Тым, же адвокат сам глядат и просит о роботу, а шєвца треба просити, жебы дашто зробил.

Яка ест ріжница медже газетом и женщином?
Жє як газеті дуже бесідує, то она ест добра, а як женщины, то напевно она не дуже вартат.

Почтовый ящик.

Г-н Николай Петрык Черемха: Точны информации, як можна достати лєн, будут в калєндарі, котрый вниєт розовшлєме.

О-ство им. Качковского—Львов. В ділі овцєводства перешлю на днях точны информации.

Г-н Галушак—Прислєп. На оголошенє не зголосил ся никто.

Комунальна Кааса Ошадности в Крыниці

принимат вклады и платит высокий процент. Уділят также позичок на добрых условиях!

Найліпше и найдешевше

може каждый фурман заосмотрити ся в петреовый для себе товар як овес, сіно, січку, смары, подковы, вляницы в своем руском „Фурманском Кооперативі“, котрый находит ся в Крыниці. Здрою в домі г. Назара Громосяка коло різні.

Найліпши условия асекурацийны

дає

Асек. Товариство
ВИТА-КРАКОВСКЕ
во Львові.



Оно спомагат также наши товариства.
Информации уділят редакция „Лемко“.